

Pauro Onesimu tsyhyryze Piremo bo ziwatahaka

Tubabatu wastuhu kytsa tarabaja ziknakaranaha sit-sihitsa batu okyrysaro ty sibo nyny nikaranaha. Kytsa sinamy wa niyziknaha paikpa sihumo okyrysaro ty zik-nasihukaknaha iwaze hi ziknasitsihitsakanaha. Iwatsatu sisakihikytsa tahatsumuēhītsitsa nasisapybyriki. Onesimu tatsihitsa papatu niwakik iwaze Pauro harere ziwabyze Sesus tukta niyzik. Pauro itsihitsa bo ziksi-wyhykzoze itsyhyryze papeu humo ziwatahaka. Onesimu tsihitsa Piremo inarokota atahi Pauro iharereziu ata bo hi Onesimu humo ziwatahaka.

¹ Uta Pauro. Ikia Piremo bo piwatahaka. Sesus Kiristu soho iktsasoko ana humo hi kytsa siakyriukrēnikitsa hurukwy bo zikoktyhyryknaha. Mytuky Timoteo katuk mykara. Ata kino katuk papeu humo piwatahaka. ² Katsaktsa Sesus tuktsa bo papeu humo tawatahaka. Asahi awahoro bo inauzuzuknaha. Myzawy Apia bo piwatahaka. Arakipus kino niwatihi atakta sodadu wata atahi mytuk Sesus tsyhyryze tarabajaziu mynakara. Sesus tuktsa awahoro bo mynakypyknahaze papeu ty sibo tsipiny. Ikia mytuk Sesus tsyhyryze tarabajaziu tsimykara. Katsaktsa ikia humo mymypokzitsirētsa.

³ Ahatsyhyryze Deus bo mopamykysoko. Sesus Kiristu mypehatsa bo niwatihi mopamykysoko. Ispe mynakara:

— O Deus myzo Piremo bo tsisapywyky. Sesus tuktsa iwahoro bo inazuzuknahaze tysisapywyky. Tysipokzit-sikikta! Ba paikpa mytsaty tynakaranaha. Ikia humo sakurētsa moziknaha — mykara.

Piremo Sesus humo tispirikporêta. Iwaze kytsa humo tsimypokzitsiukrêta.

⁴⁻⁵ O kaharereziuwytša Piremo. Kytsa tihi:

— O Piremo mypehakatsa Sesus humo tispirikporêta hỹ. Atakta Sesus tuktsa humo tsimypokzitsiukrêta — mykaranaha. Ana iwabyze Deus bo asoho mopamykysoko:

— O Deus myzo Piremo humo kakurêta mykara. Tshipapywyky Piremo bo ustsä Sesus tuktsa bo niwatihi — my. ⁶ Katsaktsa ikiahatsa tuk Sesus humo myspirikporêtsa. Myspirikporêtsa babatsa zeka hawa Sesus tazo bo mymyoktyhyryk naha humo tanymyrytohinaha. Sesus humo mykurêtsa babatsa tsipinymyrykynaha.

⁷ O kaharereziuwu ahumo kamypokzitsiarêta. Ikiä Deus hyrytsa humo tsamypokzitsiukrêta ana iwabyze kakurêta. Iwatahi ikiä humo kapunihikrêta mozik. Ikiä kytsa ba ziksimiwy ustsä Sesus tuktsa nisiakusukni.

Pauro Onesimu tsyhyryze myzapykyky.

⁸ Iwaze katsaktsa Sesus tuktsa humo mymypokzitsiukrêtsa. Hawa tykta tsimyzeka ba zapeha. Sesus Kiristu humo aziky wata ikiä bo zuba motsaso. ⁹ Katsa tsimyharape pokzitsikinaha. Kaharere bo yhỹ tsimykara ikiä kino tsimyzihikik. Iwa abo motsasoko. Taparakta ppykyhy Sesus Kiristu wasania ty iktsasoikik ana humo hi kytsa siakyriukrênikitsa hurukwy bo zikoktyhyryknaha.

¹⁰ Abaka Onesimu soho motsaso. Utakta siakyriukrênikitsa hurukwy eze tuze atahi Sesus humo tispirikporêta. Kaharere bo Sesus soho humo hyỹ nikaraze iwaze Sesus humo tispirikporêta niyzik. Iwatahi katse wata niyzik. Ihumo kamypokzitsiarêta. Ikiä tsipiktsumuêhĩ naha humo hi mozihihikik. ¹¹ Taparaka atakta asohometuwy. Aharere bo batu yhỹ ziknakara.

Abaka atakta Sesus humo mektatu niyzik. Kaokzeka tsimysapyrēta patsumuēhī. Botu ziktsumuēhīkī. Ata hi tsimysapyrēta iwatahi mymytsumuēhī.

¹² Onesimu humo kamypokzitsiarēta. Iwatatu abo piserezo. ¹³ Siakyriukrēnikitsa hurukwy eze Sesus soho wasania ty iktsasoko naha humo, atakta katuk natasapy tsihikik, iwaze piktsumuēhī. Atahi asapyzekeny mozik. ¹⁴ Aharere piwaby tsihikik. Ibeta yhȳ tsimyzeka uta kino niwatihi hȳ my. Ba zapehariziubyi.

¹⁵ Atakta nokponi niukuru. Taparaka atuk batu are. Tozeka ja inaparak iwaze myziksizozē atuk tawahi mynapykyryk. ¹⁶ Taparaka atuk tarabajaziu ziknakara batu okryrsaro ty ibo nyny tsiky. Ipehakatsa tsikyzyk. Abaka atsy hi Sesus humo tspirikporēta. Ihumo kamypokzitsiarēta. Ikiā kino ihumo tsamypokzitsiarēta babata atsyhyryze tarabaja mykara. Atsy wata Sesus humo tspirikporēta. Iwatahi ihumo tsimypokzitsiarēta.

¹⁷ Ikiā hi:

— O Pauro katukta. Sesus harere humo harapetok tarabaja tsimykaranaha — tsimykara. Uta awahoro bo my zeka kape:

— Pakutynty — tsimy. Onesimu bo ka wa tsimy my. ¹⁸ Taparaka abo imysapybyita tu nikara. Anamy ziakse zeka zamyi. Amy ziakse zeka papeu humo tsihiwataha. Anatyhi itsyhyryze pisirezo. ¹⁹ Abaka katsyhyryty piwatahaka:

— *Uta Pauro abo pisirezo.* Amy ty Onesimu ziakse zeka ana kino uta pisirezo — my. Ikiā Sesus humo tsaspirikporēta kaharere humo. Deus tuk awahi tsimynapykyryk. Deus wasania ty tyso byizeka batu aspirikpo. Anahi kabo tsipisirezo wata anasoho bo mytsatzyiutykta!

²⁰ Iwaze katsakta Sesus humo myspirikporëtsa ikia Onesimu humo tsimypokzitsiukrëta! Katsy my. Awahoro bo pomoze:

— O pakutynykta — iwa tsimyzeka kakurëta mozik.

²¹ Botu iksaso:

— O Onesimu katsy humo tsimypokzitsiukrëta — my. Ikia kaharere bo hyÿ tsimykara kahyrinymyrëta. Hawa Onesimu tsyhyryze myzapykyky wasani isopyk. Iwa piwatahakaze ta botu mytsaty mykara. ²² Iwaze kawanu sapy tsikymynahakta! Hawa ikiahatsa katsyhyryze Deus bo tsimypamykysokonaha utakta iharere piperyky. Amy ty ibo tsizapykyknaha anahi Deus ahabo yhyÿ my. Kytsa tihi:

— Tsipliksi za — maha hi piperyky.

Abaka pepykykze kytsa bo mytsaty mykara.

²³ Epararas ikiahatsa humo tsihyrizikbarëta. Atakta katuk siakyriukrënikitsa hurukwy eze tu. Atahi Sesus soho nitsasoko iwatahi kytsa siakyriukrënikitsa hurukwy bo zioқтыhyryknaha. ²⁴ Katuktsa Marakos, Aristarakus, Demas, Rukas iwatsa ahahumo sihyrizikbarëtsa mykaranaha.

Deus pahasapywyky.

²⁵ Deus bo ahatsyhyryze mopamykysoko:

— O Deus myzo Sesus Kiristu ikia tysisapywyky. Siwahi tsimynapykyryk — my. Iwa Deus bo mynapamykysoko. De. Niwazuba.

Pauro niy

Deus Harere Aibaky Sesus mymyspirikpoko naha New Testament in Rikbaktsa (BR:rkb:Rikbaktsa)

copyright © 2011 Wycliffe Bible Translators, Inc.

Language: Rikbaktsa

Translation by: Wycliffe Bible Translators, Inc.

Rikbaktsa [rkb], Brazil

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Rikbaktsa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30
